

रमो रमो रे भवानी मारी खिमज माँ,
खेलो खेलो रे भवानी मारी खिमज माँ,
ओ थारा भगत जोवे थारी बाट,
माता आवो भगता री अरदास,
पधारो मारी खिमज माँ,
रमों रमो रें भवानी मारी खिमज माँ ॥

ए माडी भीनमाल थारो देवरो,
ओ माडी ऊंचा मगरा मे थारो बेसनो,
ओ थारा भगत आया थारे द्वार,
ओ संग सोलंकी लाया आज,
पधारो मारी खिमज माँ,
खेलो खेलो रे भवानी मारी खिमज माँ ॥

ओ माडी पैदल पैदल थारे आवता,
कोई रंग गुलाल उडावता,
ओ माडी लाल ध्वजा ले हाथ,
करा भजन मे सारी रात,
पधारो मारी खिमज माँ,
खेलो खेलो रे भवानी मारी खिमज माँ ॥

ओ माडी ढोल नगाडा संग नाचता,
टोली भगतो री भजन सुनावता,
ओ माडी घूमर गालो आय,

ओ लेवा मोतीडा सु बधाय,
पधारो मारी खिमज माँ,
खेलो खेलो रे भवानी मारी खिमज माँ ॥

ओ राती जोगो दिरावा थारे नाम रो,
ओ नाम जगत मे छावे थारे धाम रो,
ओ आई तेरस वाली रात,
ओ आवो आरतीया मे आज,
पधारो मारी खिमज माँ,
खेलो खेलो रे भवानी मारी खिमज माँ ॥

ओ माँ भगजी सोलंकी आविया,
संग चंदा देवी थारे आविया,
ओ गावे किशोर पालीवाल,
ओ संग इन्द्र शर्मा साथ,
पधारो मारी खिमज माँ,
खेलो खेलो रे भवानी मारी खिमज माँ ॥

रमो रमो रे भवानी मारी खिमज माँ,
खेलो खेलो रे भवानी मारी खिमज माँ,
ओ थारा भगत जोवे थारी बाट,
माता आवो भगता री अरदास,
पधारो मारी खिमज माँ,
रमों रमो रें भवानी मारी खिमज माँ ॥

प्रेषक मनीष सीरवी
9640557818

Source: <https://www.bharattemples.com/bhawani-mhari-khimaj-maa/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>